

Hozlij Cunh: Hawmih “Dienhsamvuengz” Nauhyied Raeuh

热闹非凡的和里村“三王宫”庙会

□ Cangh Aibingz ingj Sinhyungz hoiz



▲ Goenglaux ndang daenj buh-ciuheq, youz de daiq caeq “Dienhsamvuengz”.

◀ Baij hwnj “ngaizbakranz”, boux haeuj mbanj dwg hek.



▲ Hawmih riuzmingz gya, gyawigyae hek daeuj caeua.



▲ Youq yienhciengz caeqbaiq, daihgya caez angqyangz.



▲ Vwnzyidui ndaw mbanj, gag bienyienj Heiqdung.



▲ Ngoenzneix sim' angq raeuh, caemh diuq fouxluzwngh.

Moix bi liggaeuq ndwengeih co'ngux, gyoengq beixnuengx Duncuz Sanhgyangh Duncuz Swciyen Liengzgouj Yangh Hozlij Cunh cungj banh ciengz hawmih “Dienhsamvuengz” hoenghhwd ndeu, goenglaux ndaw mbanj gwnz ndang daenj dauq buhciuhgeq ndeu, cang baenz vunzciuhgeq daiq gyoengq vunzmbanj caeqbaiq saenzmih. Ngoenz haenx, ndaw mbanj lij banh yienj Heiqdung daengj gak cungj gak yiengh hozdung, ciengzmienh hoenghhwd nauhyied.

“Dienhsamvuengz” Hozlij Cunh dwg aen mih gyoengq beixnuengx Duncuz caeqbaiq sam daeg lwg guekvuengz Guekyelangz Cuz Dohdungz ndeu, youq Ciu-hmingz bi Gyahcing hwnjguh, ciemq dieg 1200 bingzfanghmij, gij baijbouh de lumj gij ranz ndaw gunghdingz Bouxgun ciuhgonq, hoeng daizheiq, ranzvang daengj youh dwg yiengh ranzcanx Duncuz, dwg aenranz miz daegsaek yisuz dajcaep Gun Dung doxhab gig denjhingz ndeu. Aen Giuzyinzhoz daep henz de haenx, youq Ciu-hcingh Gvanghsi bi ngeihsei q caepguh, dwg aengiu z giuzndojfwn yienghgungj miz daegsaek Duncuz ndeu. Song aen neix 2009 nienz ndaej lied haeuj le Gvangsih cungdenj vwnzvuz baujhu danhvei. Duncuz rangh dieg neix, riuz cungj vwnzva saenqyienj ciuhnduj gyo' mbaibauqaen, gouzmuengh rumz swnh fwn yinz, mbaenjmuengh guekgya biengzbingz lwgminz angqyangz ndeu, neix couhdwg “vwnzva Yelangz”. Bingzseiz gyoengq bek-singq rangh dieg neix cungj haengj bae “Dienhsamvuengz” siuyieng,



▲ Ndag daenj buh Heiqdung, ndaw rungh dem saek rongh.

daegbied dwg ngoenz liggaeuq ndwengeih co'ngux, giz-neix hoenzieng engq oenggoed caeqbaiq engq nauhyied.

Ngoenz hawmih, baenz cien baenz fanh boux beixnuengx Duncuz rangh dieg Hozlij Cunh caez comz youq gyanghongh “Dienhsamvuengz”, hoenghhwd banh aen hozdung daenj buhciuhgeq caeqbaiq saenzmih, neiyungz miz lai cungj lai yiengh, baugvat daenj buhciuhgeq youzbyaij, goenglaux ndaw mbanj daiq guh yizi caeqbaiq, diuq fouxdohyeh, luzswng h caijdangz, yienj Heiqdung, gwn ngaizbakranz daengj fungsug Duncuz hozdung, hawj gyoengq bouxhek daj ndaw guek rog guek ganj daeuj yawjngonz haenx caenhcingz angqyangz dwk gvaq mbat ciet fungcingz Duncuz naekgywggwyg ndeu.

► Ngoenzneix hek daengz lai, nda daiz yienj daemjrok.



▲ Ram “samvuengz” youz-byaij, gouzbaiq yienghyiengh ndei.



▲ Hekgviq daengz ndaw mbanj, gingq boux cenj laeujhaeux.



▲ Lauxdoengz nanz mbouj raen, gingq gwn song cenj laeuj.

